

Odineide

(1970)

di Mario Isnenghi

Periodo: La contestazione e i movimenti di liberazione (1967-1979)

Lingua: veneto

Tags: anticlericali, satirici

Indirizzo: <https://www.ildeposito.org/canti/odineide>



a) *La note di quel 18 aprile 1948*

No ti ghe geri quel mese di aprile -
dise el prevosto al capelan -
no se g'avemo perso de animo,
ma se g'avemo roso el figà.

Giorni tristissimi de patimento
lota la cesa col tradimento
i rossi infuriano, el fià ne manca,
ma no alzemo bandiera bianca.

Povera Italia, no la sembrava
volerne più. Poveri nu.

Tuti a palazo, el di, la note
stanchi, sfinii, co le ossa rote,
reverendissimi e monsignori
omeni, done, sempi e dotori.

Prevosti e muneghe, zagheti e frà,
beghine e nonsoli che i ven, che i va,
i siga, i calcola, i se prega adosso,
el portaordini el ghe n'ha dà.

Povera Italia, no la sembrava
volerne più. Poveri nu.

Rito nel mezo de la bataglia
come un arcangelo tra la plebaglia
insone e vigile, semplice e fiero
sta nostra eminenza, vestita di nero.

Fa segno e un parroco strissa dal mucio
ghe porta i dati de la seziun
riparte e un chierico adeto all'ussio
el se ghe prossima co discreSSION.

e no ste badarghe ai òmeni,
sè cristiane, ascolte me!»

c) *I do piovani*

Don Odino e don Floriano
al tramonto e de scondòn
van tenendose per mano
l'indoman de l'elessiòn.

I camina a colo basso
con el core che ghe duole
i g'ha in pansa un gran tremasso
a pensar quel che sarà.

«Maria vergine - ghe fa
don Odino a don Floriano -
se prepara per noialtri
un grandissimo malano.

Adio cese, adio perpetue,
adio nonsoli e conventi,
adio decime e limosine,
adio santa religion.

No i capisse 'sti siori
che ogigiorno ne tradisse,
che se la cesa la finisse
la xe finia anca par lori.

Adio cese, adio perpetue,
adio nonsoli e conventi,
adio decime e limosine,
adio santa religion».

«Non pol essere - ghe fa
don Floriano a don Odino -
vu zoghè col vostro dano

«Ghe saria - mormora - quel onorevole».
«Che passi», e uno trionfante, in estasi
entra de freta e poi servizievole
se ghe precipita drito ai suoi piè;
el ghe ciapa la man, el ghe la copre de basi.
«L'è fata - grida - par nu, par la fè!».

Ahi, Don Rosario mi so vecio e vu si fio,
e no podè forse nianca capir,
a quel anuncio sorse un grido,
giubilo, pianti, pregar, benedir!

e lu nel mezo radioso e fiero
come un arcangelo o un cavalier
alto, solenne, vestito di nero
ne benediva el condotier.

b)* El voto de le femene*

Se va in sielo, ghe g'ha dito
el prevosto a la me nona
se va in sielo co se vota
tuti quanti par la DC.

«Mi non so, caro prevosto
no me so mai interessada
mi son dona, so malada,
so 'na vecia senza fià».

«Ma xe una caso de cossienza»,
ghe risponde el sior curà,
«'na cristiana de cossienza
fa quel che ghe dise el curà».

E siccome che g'ho l'obbligo
de tratarve come piegore,
vegni qua, sentève done,
Bice, Gina, Mariarosa,
vegni qua che ve spiego
tuto quel che avè da far.

Comunisti e socialisti
ne xe el caso de parlar
no la xe roba par vu femene
e lassemoli pur star.

Prosseguendo, ghe xe i monarchici

ma la cesa prevarrà.

La ghe n'ha passae tante
liberali e framassoni
Dante, i Mille e i Borboni,
Crispi, el fassio e tute quante,
bone o brute che le xe stae
re, tirani, massiniani,
laici, duci, partigiani,
in malora tuti quanti
sol la cesa s'è salvada
la s'ha sempre tegnio su.

E perciò, scoltime Odino,
su la vita e in alto i cuori
come xe passai 'st'altri
passarà anca 'sti bolori.

Come xe passai 'st'altri
passarà anca 'sti bolori
passarà anca 'sti bolori
viva nu, e in malora lori».

d) *L'ano santo*

No so se me insogno o se so' desmissià
no so se xe 'na fiaba, opur se xe realtà.
Oh Maria tochèmose, me manca anca el fià
saria i veci tempi, Dio voglia, tornà?

Se fa l'Ano Santo, savè, tolè su
se fa l'Ano Santo e 'sta volta in tivù.

E vu, svergognate, che ghe 'ndavi drio
a 'sti cagadubi, e a tutto el desio,
ai preti co le braghe, ai frati dotori,
ai sputasentense, ai puti in calore.

A omeni e done muciai su l'altare
che i sona la chitara, che i sta a ciacolare
che i siga de Vietnam, de fame, paroni,
ma el prete, in 'sta Russia,
el g'ha ancora i cogioni?

E vu teste marse che ghe 'ndavi drio
«El xe sta el consilio» disevi, par zio!
Ma no, xe 'sta el diavolo che tuto ha cambià

che voria da capo el re
ma 'i xe fiapi, 'i g'ha la spussa
co' fa el pesse che xe passà.

I fassisti g'ha dei meriti
no se pol dir de no,
ma i xe stai un poco rusteghi
i s'ha fato voler mal.

I pol anca tornar boni
in un'altra situassion
par intanto i tegnimo
de riserva e de scondon.

Liberal, Santa Maria,
e no steme far dir de più,
la xe 'na perfida genia
i ga distruto el papa-re.

E po dopo, in confidenza,
badè a mi se me scoltè,
la xe roba da paroni
no par vu che lavorè.

No ne resta che afidarse
ai miliori che ghe xe.
Boni, semplici, virtuosi,
i ghe crede anca a la fè.

E perciò, scoltème o femene
credo di avervi dimostrato
che chi non vota scudo crociato
fa un grandissimo pecà.

Lo vuol Dio, lo vol la cesa,
per la patria e per la fè;

che zo da l'altare el ne g'ha rovinà.

Verà quel momento, el papa no'l pol
'sta cheba de mati star sito a vardare,
de siòpari, lote, casin, perdisiòn,
de Acli che predica la rivolussion.

De aborto, divorsio, de preti operai
de falce e marteo co la croce missiai
de muneghe e preti che vol far l'amor
de centro sinistra che va a rebaltòn.

De femene nue, de oposti 'stremismi
de democristiani che fa i comunisti
de bombe che i dise sia nere, ma mi
g'ho sempre pensà che le sia del picì.

Creature, i fassisti xe boni italiani
i rompe un fià i bisi, ma i rossi i xe cani
no stemo fidarse, pensemoghe sora
che no xe mai tardi par butarli fora.

Adesso, par zio, se fa l'Ano Santo
xe vero, no sogno, vegnù xe el momento.
Go el core che s-ciopa da tanto contento
so serto che l'ordine cussi tornarà.

Co l'ordine vecio ritorna a regnare
i omeni a cotimo, e no a sioperare,
le femene a casa e zo da l'altar,
i tosi che i studia, e no in piazza a sigar.

Per Paolo e Amintore su su in alto i cuori
ofrimoli a Dio 'sti sete dolori,
tornemo a la cesa, tornemo co Pietro,
o satana! in mona, cioè... vade retro.

Informazioni

Questa canzone (musica di Gualtiero Bertelli, parole di Mario Isnenghi, è in realtà formata da quattro parti indipendenti, le prime tre del 1964 e l'ultima scritta in occasione dell'anno santo del 1975. È la storia di un prete tradizionalista, degno rappresentante della Chiesa del Veneto "bianco". Lo troviamo prima che racconta a un prete più giovane le elezioni del '48, poi a dar consigli elettorali alle sue anziane fedeli, poi ascoltiamo la sua preoccupazione per l'avanzata delle sinistre alle elezioni del '63 e, infine, la rinata speranza per l'anno santo del 1975.